

## **COMISIÓN INFORMATIVA DE RETO DEMOGRÁFICO, IGUALDADE, BENESTAR E EMPREGO**

**ACTA** da mencionada comisión informativa, correspondente ao día **22 de outubro 2020**

No salón de sesións do Pazo Provincial, ás 17.00 horas do día 22 de outubro de 2020, reúnese a comisión informativa de Reto Demográfico, Igualdade, Benestar e Emprego, coa asistencia dos seguintes deputados e deputadas:

**Presidenta:** D.<sup>a</sup> Luz Doporto Real

**Deputados/as do Grupo Popular:**

D.<sup>a</sup> Consuelo Vispo Seara

D. Álvaro José Fernández López

D.<sup>a</sup> Ana Patricia Torres Madureira

D. César Manuel Fernández Gil

**Deputados/as do Grupo Socialista:**

D.<sup>a</sup> Margarita Pérez Fernández

D.<sup>a</sup> Susana Rodríguez Estévez

D. Álvaro Vila Araújo

**Deputado de Democracia Ourensana:** D. José Miguel Caride Domínguez

**Deputado do BNG:** D. Bernardo Varela López

**Secretario:** D. Adamantino Barreiro García

**Interventor:** D. José Mosquera Casero

Non asiste a deputada de **Ciudadanos-Partido de la Ciudadanía**: D.<sup>a</sup> Montserrat Lama Nóvoa

Seguidamente, iniciouse o tratamento dos asuntos incluídos na orde do día, do xeito que se reflicte a continuación:

### **1º.- APROBACIÓN DA ACTA DA SESIÓN ANTERIOR, CORRESPONDENTE Á ORDINARIA DO DÍA 17 DE STEMBRO DE 2020.-**

Pola Secretaría Xeral deuse traslado do borrador da acta anterior, correspondente á ordinaria do día 17 de setembro de 2020.

Non se producen intervencións e por unanimidade a comisión adopta o seguinte acordo:

Aprobar a acta da sesión ordinaria da Comisión Informativa de Reto Demográfico, Igualdade, Benestar e Emprego do día 17 de setembro de 2020, conforme co borrador elaborado pola Secretaría Xeral.

**2º.- BASES REGULADORAS DO PROGRAMA PROVINCIAL DE COOPERACIÓN COS CONCELLOS E A ENTIDADE LOCAL MENOR DE BERÁN EN MATERIA DE EMPREGABILIDADE PARA O EJERCICIO 2021.-**

Intervén o vicesecretario que dá lectura aos aspectos máis destacados das Bases reguladoras do programa provincial de cooperación cos concellos e a entidade menor de Berán en materia de empregabilidade, para o exercicio 2021, entre os que destacan o obxecto, os beneficiarios e as contías da subvención.

**D. Bernardo Varela López, portavoz do BNG**, indica que o BNG defende un plan único equitativo para os todos os concellos. Sinala que 20.000 euros pode ser escaso para un concello que teña moitos desempregados, mentres que outro que teña poucos, recibiría a mesma cantidade. Por elo defende un sistema equitativo para os concellos con máis parados. Manifesta que o seu voto será de abstención.

**D. Álvaro Vila Araújo, do Grupo Socialista**, manifesta que este plan non é o que desexa o Partido Socialista. Con motivo da pandemia a Deputación fixo un plan complementario por importe de 40.000 euros e hoxe a Deputación non duplica ese orzamento e pasa a 20.000 euros.

A **presidenta da comisión** indica que trasladará a petición do Grupo Socialista. O incremento da cantidade foi puntual.

Non se producen máis intervencións, someténdose a votación, e co voto favorable do Grupo Popular (5), e de DO (1) e a abstención do Grupo Socialista (3), e do BNG (1), a comisión ditamina favorablemente a adopción, por parte do Pleno, do seguinte acordo:

1º.- Aprobar inicialmente as bases reguladoras do Programa provincial de cooperación cos concellos e a entidade local menor de Berán en materia de empregabilidade para o exercicio 2021, co seguinte teor literal:

***1ª) Obxecto:***

*Constitúe o obxecto das presentes bases a regulación do Programa provincial de cooperación cos concellos e a entidade local menor de Berán en materia de empregabilidade para o exercicio 2021.*

*A finalidade deste Programa é a contribución ao sostemento económico dos servizos de competencia municipal e da entidade local menor de Berán posibilitando o complemento dos recursos humanos necesarios co dito fin, tanto a través das figuras contractuais propias da lexislación laboral como a través de contratos administrativos ou nomeamentos de persoal funcionario interino, de ser o caso, mediante a concesión de subvencións, en réxime de concorrència non competitiva, para o financiamento dos ditos contratos ou nomeamentos.*

***2ª) Beneficiarios. Gastos subvencionables.***

*1. Poderán obter subvención no marco do programa regulado nas presentes bases os concellos da provincia de menos de 20.000 habitantes e a entidade local menor de Berán, cando contraten persoal en réxime de dereito laboral, efectúen nomeamentos de persoal funcionario interino ou subscriban contratos administrativos, típicos ou especiais, con persoas físicas suxeitas ao réxime de autónomos, para a realización de actividades da súa competencia durante o exercicio 2021. Considéranse subvencionables as contratacións ou nomeamentos que se realicen a partir do 1 de xaneiro de 2021. Igualmente serán subvencionables as contratacións ou nomeamentos procedentes de anos anteriores que subsistan no exercicio 2021, exclusivamente en canto os custos devindicados a partir do 1 de xaneiro de 2021.*

*2. Terán a consideración de gastos subvencionables todos os que, tendo este carácter conforme coa lexislación vixente en materia de subvencións, financien as anteditas contratacións ou nomeamentos, incluíndo gastos salariais e de Seguridade Social, así como os honorarios ou contraprestacións económicas por servizos profesionais prestados por autónomos.*

***3ª) Contía das subvencións:***

*A subvención concedida a cada concello poderá acadar a contía máxima de 20.000,00 € e ata o 100% dos custos indisolublemente vinculados aos contratos ou nomeamentos*

subvencionados. A subvención concedida á entidade local menor de Berán poderá acadar a contía máxima de 10.000,00 € e ata o 100% dos custos indisolublemente vinculados aos contratos ou nomeamentos subvencionados.

#### **4ª) Disponibilidades orzamentarias:**

O financiamento das subvencións reguladas no presente Programa realizarase con cargo á aplicación 46207/24111 dos orzamentos da Deputación Provincial de Ourense para o exercicio 2021, tramitándose con carácter anticipado o Programa ó abeiro do disposto no artigo 56.1 do Real decreto 887/2006, do 21 de xullo, polo que se aprobou o Regulamento da Lei xeral de subvencións. Para estes efectos, serán de aplicación as seguintes regras especiais:

1ª) A execución do Programa queda condicionada á existencia de crédito adecuado e suficiente nos orzamentos da Deputación Provincial para o exercicio 2021, tendo carácter puramente estimatorio a contía total máxima prevista nas presentes bases.

2ª) A contía total máxima estimada é de 1.830.000,00 €.

3ª) No expediente de gasto que se tramite para a aprobación do Programa, a certificación de existencia de crédito substituirase por unha certificación relativa á concorrencia dalgunha das circunstancias previstas no artigo 56.1 do RD 887/2006.

4ª) Os efectos de tódolos actos de trámite ditados no expediente de gasto entenderanse condicionados a que, ó ditarse a resolución de concesión, subsistan as mesmas circunstancias de feito e de dereito existentes no momento en que se produciron eses actos.

5ª) A resolución de concesión deberá ditarse no exercicio 2021, unha vez aprobado definitivamente e publicado na forma legalmente prevista o orzamento da Deputación Provincial para o dito exercicio.

#### **5ª) Resolucións de adhesión ó programa e solicitudes de subvención: prazos, lugar de presentación e documentación a presentar:**

As resolucións de adhesión ó programa -que inclúen as solicitudes de subvención-subscritas polo alcalde ou representante legal interesado, ou concelleiro no que delegue, irán dirixidas á Presidencia da Deputación Provincial e deberán presentarse no Rexistro Electrónico Xeral da Deputación, ou en calquera dos lugares previstos no artigo 16.4 da Lei 39/2015, de 1 de outubro, do Procedemento Administrativo Común das Administracións Públicas, consonte como modelo que achégase como anexo I a estas bases.

*O prazo de presentación será dun mes, contado a partir do día seguinte ao da data de publicación das presentes bases no Boletín Oficial da Provincia. O dito prazo terá carácter improrrogable.*

*As solicitudes irán acompañadas dunha declaración do conxunto de axudas ou subvencións públicas solicitadas pola entidade ou que lle fosen concedidas para o financiamento das actividades para as que se solicita subvención que se presentará consonte como modelo que achégase como anexo II a estas bases.*

**6ª) Procedemento de adhesión. Resolución de adhesión. Publicación.**

*As solicitudes de adhesión presentadas remitiráselle ao Servizo de Investimentos, Contratación e Patrimonio da Deputación, para a instrución do expediente.*

*Unha vez examinada a documentación, a Presidencia poderá conceder un prazo de ata dez días hábiles para a emenda de deficiencias materiais na documentación presentada.*

*Comprobada a regularidade do procedemento seguido e a corrección da documentación presentada, mediante resolución da Presidencia autorizarase a adhesión das entidades solicitantes, agás nos seguintes casos:*

- a) Que a solicitude se formulase fóra de prazo.*
- b) Que a solicitude non reunise os requisitos establecidos na base 5ª, e non se emendasen as deficiencia advertidas no prazo concedido.*

*A resolución de concesión das subvencións adoptarase antes do 19 de marzo de 2021 e será obxecto de publicación no Boletín Oficial da Provincia, con expresión dos beneficiarios e contía das axudas concedidas. Esta publicación substituirá á notificación individual para todos os efectos, ao abeiro do establecido no artigo 45.1.b) da Lei 39/2015, de 1 de outubro.*

**7ª) Contía das subvencións:**

*Cada concello adherido disporá dunha axuda por importe de 20.000,00 €. A entidade local menor de Berán disporá dunha axuda por importe de 10.000,00 €. Esta subvención entenderase concedida, a tódolos efectos, polo mero acto de aprobación da adhesión.*

*Non obstante o anterior, a achega minorarase na contía que corresponda nos seguintes supostos:*

- Se o gasto efectivo do contrato ou nomeamento subvencionado fose inferior á dita cantidade.*

- *Se as achegas doutras administracións públicas que financian a actuación exceden, en conxunto coa concedida pola Deputación, do 100% do custo da contratación ou nomeamento subvencionado.*

*A redución da contía das subvencións declarase na resolución da peza separada de xustificación da subvención.*

*Os remanentes que se produzan como consecuencia da aplicación das regras anteriores reintegraranse ás arcas provinciais, sen aumentar as achegas para percibir polos concellos beneficiarios.*

#### **8ª) Xustificación da subvención:**

*As entidades beneficiarias deberán xustificar a subvención ante a Deputación, antes de que remate o día 30 de novembro de 2021. Este prazo terá carácter improrrogable, agás causas de forza maior debidamente acreditadas. En todo caso, a prórroga deberá solicitarse expresamente antes de que remate o día 30 de novembro de 2021 e poderá concederse, como máximo, ata o día 10 de decembro de 2021.*

*A xustificación realizarase mediante a presentación dos seguintes documentos:*

*A) Certificación expedida polo secretario da entidade na que se indique o seguinte:*

- *Relación de contratos ou nomeamentos realizados con cargo á subvención, indicando o seu obxecto e duración.*
- *Contía do gasto subvencionable que foi obxecto de recoñecemento da obrigaón no exercicio 2021.*
- *Importe das subvencións ou axudas públicas concedidas para o financiamento dos contratos subvencionados.*

*B) Certificación da conta corrente da entidade para a realización do pagamento da subvención.*

*C) Unha fotografía do cartel informativo ao que se refire a base 9ª, no que se reflecta a súa localización e a mención expresa ao financiamento por parte da Deputación de Ourense.*

*3. Ao abeiro do establecido no artigo 31.2 da Lei xeral de subvencións, considerarase como gasto efectivamente realizado aquel cuxa obriga de pago fose contraída antes do vencemento do prazo de xustificación da subvención. En consecuencia, non será preciso acreditar a realización do pago no acto de xustificación.*

*Non obstante o anterior, e no exercicio das súas facultades de control financeiro, a Intervención poderá realizar procedementos simplificados de control financeiro, consistentes*

*en esixir, a partir do mes seguinte ao do pagamento da subvención, a acreditación do pago da totalidade dos gastos xustificandos. O incumprimento desta obriga dará lugar á obriga de reintegro por parte do beneficiario, así como a imposición das sancións que procedan.*

*4. Para considerar xustificada a subvención os concellos beneficiarios deberán acreditar a realización de gasto por unha contía igual ou superior a 20.000,00 euros e a entidade local menor de Berán por unha contía igual ou superior a 10.000,00 euros. No suposto en que só se xustifique unha contía inferior, a subvención reducirase proporcionalmente. Igualmente, no suposto no que a entidade beneficiaria percibise subvencións ou axudas que, en conxunto coa concedida ao abeiro do presente programa, excedan do 100% do custe soportado, a subvención reducirase ata alcanzar o dito límite do 100 %.*

*A falla de xustificación en prazo dará lugar á perda total do dereito á subvención, que será declarada pola Presidencia.*

*A falla de xustificación da obriga de publicidade establecida na base 9ª dará lugar unha redución do importe da subvención nun 20 %.*

#### **9ª) Obrigas dos beneficiarios:**

*Con carácter xeral, as entidades beneficiarias asumirán todas as obrigas impostas pola Lei xeral de subvencións. En particular, quedan suxeitos ás obrigas de control financeiro e reintegro nos casos previstos nestas bases e na lexislación vixente.*

*No local onde se realicen os servizos subvencionados deberá figurar, de xeito visible, un cartel informativo -no modelo normalizado que se publicará na web da Deputación - no cal constará o financiamento por parte da Deputación Provincial de Ourense.*

#### **10ª) Normativa supletoria:**

*De conformidade co establecido na Disposición adicional 8ª da Lei xeral de subvencións, esta lei será de aplicación ás subvencións reguladas nestas bases exclusivamente como norma supletoria, para integrar posibles baleiros de regulación, así como naqueles casos nos que as bases remiten á dita normativa.*

### **ANEXO I**

#### **MODELO DE RESOLUCIÓN DE ADHESIÓN AO PROGRAMA DE COOPERACIÓN**

*Unha vez vistas as bases reguladoras do Programa provincial de cooperación cos concellos e a entidade local menor de Berán en materia de empregabilidade para o exercicio 2021, e no uso das atribucións que me confire o ordenamento xurídico, dispoño:*

1º) Aprobado a adhesión do Concello / Entidade de \_\_\_\_\_ ao Programa provincial de cooperación cos concellos e a entidade local menor de Berán en materia de empregabilidade para o exercicio 2021, solicitando a concesión dunha subvención por importe de ..... euros.

2º) Asumir expresamente as obrigas que como beneficiario lle corresponden no programa de cooperación.

3º) Declarar que o Concello/ a Entidade de \_\_\_\_\_ non se atopa incurso en prohibición de obter subvencións da Deputación Provincial conforme co que dispón o artigo 13 da Lei xeral de subvencións, manifestando, igualmente, estar ao corrente das obrigas tributarias e de Seguridade Social.

Ourense, \_\_\_\_ de \_\_\_\_\_ de 20

Asdo.: \_\_\_\_\_

**SR. PRESIDENTE DA DEPUTACIÓN PROVINCIAL DE  
OURENSE.**

**ANEXO II  
DECLARACIÓN AXUDAS**

Don/Dona \_\_\_\_\_, alcalde do  
Concello/presidente Entidade de \_\_\_\_\_, con CIF \_\_\_\_\_,

**DECLARA**

☐ Non ter solicitada, nin en consecuencia, ter concedida, ningunha axuda para a mesma finalidade, sexa pública ou privada.

☐ Que presentou a/as solicitude/s e que lle foi/foron concedida/s, se é o caso, a/s seguinte/s axuda/s para a mesma finalidade:

| Organismo ou entidade ao que<br>solicita | Data<br>solicitude | Concesión* | Contía |
|------------------------------------------|--------------------|------------|--------|
|                                          |                    |            |        |
|                                          |                    |            |        |
|                                          |                    |            |        |
|                                          |                    |            |        |
|                                          |                    |            |        |

\*No caso de estar pendente a resolución dalgunha solicitude, indicárase "pendente" na columna.

*No caso de solicitudes denegadas, farase constar “denegada”.*

*Ourense, \_\_\_\_ de \_\_\_\_ de 20*

*Asdo.:* \_\_\_\_\_

2º.- Someter a trámite de información pública, mediante anuncio publicado no Boletín Oficial da Provincia de Ourense, as bases inicialmente aprobadas polo prazo de 10 días hábiles, durante os cales as entidades interesadas poderán formular as alegacións ou suxestións que consideren oportunas, que deberán ser resoltas motivadamente no acto de aprobación definitiva.

No caso de non formularse alegacións en prazo, entenderanse automaticamente aprobadas de forma definitiva, procedendo á súa publicación no Boletín Oficial da Provincia.

### **3º.- MOCIÓN DO BNG PARA ACTUACIÓN PARA O FREO DAS CONSECUENCIAS DA COVID-19 EN RESIDENCIAS DE MAIORES.-**

**D. Bernardo Varela López, portavoz do BNG**, procede a dar conta detallada da moción presentada. Engade que, por desgraza, as circunstancias fan que teñamos que reflexionar sobre o ocorrido dende o mes de marzo respecto ao coidado dos nosos maiores nas residencias. Dos datos que temos, as residencias pequenas non sufriron tanto o COVID-19, mentres que nas residencias máis grandes si ocorreu.

**D. José Miguel Caride Domínguez, portavoz de Democracia Ourensana**, manifesta a reserva de voto para o Pleno.

**D. Álvaro Vila Araújo, do Grupo Socialista**, indica que coincide coa exposición de motivos da moción do BNG. Necesitamos outro modelo de macro residencias xa que estas teñen un mero carácter económico. A atención dos maiores demostrouse que non era a axeitada. A Xunta de Galicia ten a competencia pero iso non fai que a Deputación poida dar as costas e mirar a outro lado. Manifesta a reserva de voto para o Pleno, xa que desexan matizar algunhas cousas, pero a moción ten o noso apoio.

A **presidenta da comisión** indica a reserva de voto para o Pleno. Engade que o BNG nos trae eses datos, pero no Congreso dos Deputados votaron a favor de non crear a comisión de investigación para coñecer as causas da pandemia. Ao Sr. Vila Araújo indícalle que respecta a todos os traballadores dos centros de maiores que se deixaron a pel e considera

unha falla de respecto a esas persoas que deron a mellor atención aos residentes. Considera que non houbo unha atención insuficiente. Manifesta a reserva de voto para o Pleno.

**D. Bernardo Varela López, portavoz do BNG,** indica que non coñece as circunstancias nas que se produciu a votación no Congreso e na Xunta. No informe do Consello de Contas de 2018, xa recollía deficiencias. Respecta aos traballadores e traballadoras que fixeron un gran labor en circunstancias moi complexas. Pero nas residencias pequenas resistiron mellor que nas residencias máis grandes, é un dato empírico que podemos ver cos números. Debemos mudar isto. Respectamos o traballo que realiza un servizo aos cidadáns, pero é un servizo necesario que debe ser de primeira calidade e débense evitar riscos para os maiores.

**D. Álvaro Vila Araújo, do Grupo Socialista,** sinala que a Deputación intenta falar da xestión do goberno central. Non entende que se manipule. Engade que non puxo en cuestión ao persoal nin aos traballadores, si a ratio das residencias privadas grandes respecto das pequenas. Preocúpalle o que nos pasou, nos pillou a todos. Pero algo temos que mudar neste modelo. A Xunta de Galicia non pode mirar para outro lado na xestión.

Non se producen máis intervencións, e co voto favorable do BNG (1), e a abstención do Grupo Popular (5), Grupo Socialista (3) e DO (1), a comisión ditamina favorablemente a adopción, por parte do Pleno, do seguinte acordo:

1º.- Instar á Xunta de Galicia a blindar as residencias privadas ante a segunda onda da COVID-19 e posibles repuntes do virus a través dunha intervención pública dirixida a supervisar e asesorar nas actuacións que leva a cabo o seu persoal, co obxectivo de garantir o cumprimento escrupuloso dos protocolos e que se estean a adoptar todas as medidas necesarias fronte a pandemia.

2º.- Instar á Xunta de Galicia a ampliar os cribados anunciados para o persoal e usuarios/as das residencias ao conxunto de servizos sociais de Galicia, incluíndo os centros de menores e co Servizo de Axuda no Fogar.

3º.- Instar á Xunta de Galicia a facer públicos os expedientes abertos ás residencias galegas desde a declaración da emerxencia sanitaria ata a actualidade e toda a documentación correspondente a estes, facilitando a valoración por parte da cidadanía da situación dos seus familiares ingresados.

4º.- Instar á Xunta de Galicia a publicar, de xeito transparente e accesible para o conxunto da poboación, os datos referidos á incidencia da COVID-19 nas residencias de maiores desde o inicio da pandemia. Indicando, cando menos, o número de contaxios e falecementos por residencia; as probas realizadas, especificando a súa tipoloxía e a taxa de positividade detectada entre as persoas usuarias e traballadoras.

5º.- A Deputación de Ourense comprométese a condicionar as axudas públicas desta institución para novas residencias ou a ampliación das xa existentes, a que estas sexan de xestión pública e directa por parte da Xunta de Galicia ou o órgano de xestión que esta estableza. Comprometendo a súa atención a un modelo máis achegado ás persoas dependentes, e que non se supere un límite de 35 prazas por unidade de atención, para permitir un trato personalizado; así como o límite de dous usuarios por habitación e baño dispoñible nela.

#### **4º.- MOCIÓN DO GRUPO SOCIALISTA SOBRE A PROBLEMÁTICA DA VIVENDA EN GALICIA.-**

**D.<sup>a</sup> Margarita Pérez Fernández, do Grupo Socialista,** procede a dar conta detallada da moción presentada.

**D. Bernardo Varela López, portavoz do BNG,** indica que a súa nai desexaba alugar unha vivenda e chegou a asustarse pola cuestión dos “ocupas”. Non é partidario de que ninguén entre na propiedade privada. Pero con estas cuestións o que se conseguiu é desmobilizar e incrementar os prezos. O dereito a unha vivenda digna entendo que é responsabilidade das administracións públicas e a Xunta de Galicia debe ter un parque público de vivenda. O prezo dos alugueiros subiu, pero non debemos facernos oco exaxerado da cuestión dos ocupas que xeran alarma. A vivenda é un dereito ao que se debe acceder e as vías xurídicas actuais o defenden.

**D. José Miguel Caride Domínguez, portavoz de Democracia Ourensana,** manifesta a cuestión da vivenda producida tras a crisis inmobiliaria de 2007, e a chamada burbulla inmobiliaria, na que se tomaron medidas cos debedores hipotecarios, e se fixeron reformas lexislativas. Di que hai que adoptar políticas de vivenda. Existen nesta materia de vivenda dous intereses entre os propietarios e os arrendatarios. Manifesta que se absterá para estudar a moción. O PXOM debe prever vivendas de promoción pública e o parque de vivendas desocupadas. Debe terse en conta que moitas destas vivendas son dos inmigrantes que

investiron nelas. Hai que estudar medidas e concretalas xa que hai intereses contrapostos e se deben harmonizar. As políticas de vivenda deben estar aí sempre e débense concretar e non quedarnos en aspectos xerais. Indica a reserva de voto para o Pleno.

A **presidenta da comisión** indica a reserva de voto para o Pleno. Di que é unha cuestión que nos preocupa a todos. Está de acordo con Sr. Caride, xa que hai intereses contrapostos. O vicepresidente do Goberno Central non defende a vivenda privada, salvo a súa, e os propietarios teñen medo de poñer en aluguer as súas vivendas.

**D.<sup>a</sup> Margarita Pérez Fernández, do Grupo Socialista**, indica que ela fala da Xunta de Galicia. A vivenda é un dereito que debemos defender. Débese concretar xa que coa crise hai problemas. O PP recolleu sinaturas por toda a provincia. Pensemos nas familias con esta problemática. Di que temos un deber como representantes públicos e traballamos por un algo que é un dereito.

A **presidenta da comisión** sinala que no PP de Ourense recolléronse sinaturas contra os ocupas. Os propietarios teñen dereito a defender a súa propiedade. Deben defenderse os dereitos dos propietarios e dos arrendatarios. Existen mafias da ocupación. Hai veciños que investiron os seus aforros en vivenda, e queren seguridade. Reserva o voto para o Pleno.

Non se producen máis intervencións, e co voto favorable do Grupo Socialista (3), do BNG (1), e a abstención do Grupo Popular (5) e DO (1), a comisión ditamina favorablemente a adopción, por parte do Pleno, do seguinte acordo:

1º.- Instar á Xunta de Galicia a que impulse políticas de vivenda que garantan o acceso da cidadanía a unha vivenda digna, combatendo especialmente o uso da vivenda como un ben especulativo e non como un dereito de todas e de todos.

2º.- Instar á Xunta de Galicia a que desenvolva medidas que pasen polo impulso prioritario do parque público de vivenda en alugueiro, por acadar unha xestión moito máis eficiente do parque público de vivendas protexidas, implantando modelos que se adecúen ás necesidades da poboación nova e outros colectivos.

3º.- Instar á Xunta de Galicia á mobilización dun gran parque de vivenda desocupada.

**5º.- MOCIÓNS DE URXENCIA.**- Non se presentan.

**6º.- ROGOS E PREGUNTAS.-** Nesta quenda prodúcense as seguintes intervencións:

**D.<sup>a</sup> Margarita Pérez Fernández, do Grupo Socialista,** fai referencia á pregunta formulada sobre a linguaxe de signos na anterior comisión, nos plenos desta Deputación, e da que no obtivo resposta.

A **presidenta da comisión** sinala que se esqueceu desta pregunta, e pide desculpas por non darlle traslado e que á a súa intención darlle traslado.

E, ás 17.55 horas, dáse por finalizada a reunión, redactándose a presente acta que se asinará electronicamente. Dou fe.